

勵治撮要序

勵治撮要一卷

〔清〕張經田撰

清鈔本

聞之民為邦本本固邦甯故自來各省設官由封疆大吏以至牧令亟猝之繁且重者凡以為民也夫人情一日不再食則饑終歲不製衣則寒饑寒迫而不為非者寡矣且夫民亦宜好為非哉凡民莫不愛其身體氣力也莫不受其父母妻子也莫不愛其田廬資產也為之牧者不以興作疲其筋力不以刑法殘其體膚不以征役散其父母妻子不以誅求耗其田廬資產則是上好人也至矣而謂下仍有頑梗不好義之民豈情也哉昔予旬宣兩湖時中湘司馬知杭郡東塘海防事廉幹有聲及需次皖江見重上游委誠無虛日屢攝郡邑蒙民咸頌之非實心孚於上實惠及於民不至此今觀司馬手著勵治撮要其肫肫愛民之心具見於二十餘條中而一歸本於己之守與為可謂得官箴之要矣夫一介之士苟存心於愛物猶必有所濟於物況事權在手而身居民上者乎誠能於古人之所為重民生勤民事薄民賦保民富寬民力從民便憫民窮卹

民災除民害詢民瘼者盡心力以為所得為而又為之廣

教化振學校崇師儒育英才謹好尚嚴旌別勤勤焉退懇

焉務期衣食足而禮義可興禮義興而獄訟自息將見人

心固結而邦本不可動搖矣揆之我

國家所以設外官之意不在斯乎不在斯乎余於斯非敢

曰一一能之也特因司馬愛民之言而推廣言之以自勉

焉並願愛民如司馬者交相勉之也是為序

嘉慶十年歲在乙丑九月初二日稼門汪志伊書於蘇州

節署平政堂

### 勵治撮要序

吏治甲兩漢而循吏才吏分焉循吏務德化所居無赫赫

名及其化行俗美民日遠罪遠善而不能自己此卓魯龔

黃召杜所為繼隆於三代非任之專且久也無以致是趙

廣漢鄧都董宣以才顯如雖在囊其未立見下車未幾而

民之心志耳目肅然改觀亦可掩鼓不驚奸宄不作急不

得循吏則思才吏而才吏亦難張君勵治撮要所為作也

昔江都汪氏嘗為佐治藥言一言多切中時習大要服官

必先清慎而致之者勤也事不憂叢脞暇以謐易為詳審

且日與勞苦習而酣豢逸樂之意消清慎得行焉不事事

而徒以清慎鳴譬庭植木偶雖不移寸步不飲不食而四

境卒以不治昔賢有云食焉而怠其事不有人禍必有天

殃而世不之察者中特反復申之餘亦條晰洞燭皆閑厯

於勤而言之有物殆與汪氏之作可並傳矣張君今普太

守將赴恩州地固簡淨益克力德化以涵濡其民即欲得

循吏其在是乎其在是乎余故揭其所得力者以為民牧

勸且為張君寫此行也初彭齡跋

勵治撮要序

張壺山太守由皖江司馬建雙旌而來既相見手一編授余曰勸治撮要余暇而讀之凡二十餘條切於利弊練於事情大約忠信明決要之以守而一根於仁愛之心因喟然曰壺山得為治之本矣夫壺山之作為牧令親民者言耳吾縣與他省異自守而亟而停皆有親轄則皆為親民之官壺山之必能整躬率屬為良二千石無疑而余則謂作吏者果能以民心為已心以民事為已事夙夜勤懃總懇不湛於逸而荒於嬉孜孜於所以休養生息之術則聽訟折獄猶其末焉者也率是道以治一邑則一邑治治一郡則一郡治治一方則一方治即以之治天下而天下罔不治者黃霸為潁川時治行卓卓及作相而四海無聞豈經術猶有未純與抑未能據此心而霖雨之也既又思國家設一法即有一弊今且百弊不可止則又設一法以制之輒轉相因於是法盡廢而弊獨存此天下之通患也善乎求治在人之條曰善用其弊則弊皆法輕用其法則

法即辨茲兩言者救世之微權可以賅衆說矣是編也汪

稼門初頤園兩先生撫江南時嘗繫節之樸不敏不能步  
兩先生後塵而於匪懈之義未之敢忘用是據其最要者  
畧抒所見與同官互相戒勉而兼以自勗云

嘉慶十二年丁卯九月蔭原李長森書後

自序

作令之道以愛民為本守之不潔者必不能無取於民而  
任事無才者亦不能為民分憂則守與為尚矣有人於此  
因循苟安利無所興弊無所革而但曰取其無欲身則善  
矣民何利焉又有人於此善承風旨外飾強幹中圖進取  
而但曰取其有為吏則能矣民何益焉是則有守者非徒  
砥廉隅之謂有為者非徒工肆應之謂是在能愛民而已  
歐文忠公之母曰利雖不得溥於物要其心之厚於仁康  
誥曰如保赤子心誠求之旨哉斯言凡以云愛也夫人學  
古入官職司親民閔恤民艱固悉民隱而諉諉焉自以為  
廉自以為能則所負多矣余筮仕以來歷浙江安徽貴州  
三省攝府縣篆務不一其地凡有關於吏治民生者留心  
體察公餘之暇博採名論可為法則者亦有就多年閱歷  
而行之有效者輯成是篇凡二十餘條一洗福惠之陳言  
頗切今時之利弊特恐立意未醇措詞未當世之留心經  
濟者幸教我以而不遠焉

嘉慶庚午仲秋壺山張經田識於恩南府署之慎思堂

勵治撮要目錄

求治在人

無事論

做官要辦事

事戒明察

訪聞宜慎

察胥吏

審證

讀律

出罪宜當

求生

審事坐大堂

聽獄

保甲簡易法附錄十家牌告示及出結各式

以人治人

詞訟

簽差催案法

專治原告

嚴拿訟棍附錄戒刀筆文

嚴治誣告

押犯宜勤查

體恤捕役

治窩主以靖盜源

命案相驗法

平糶附錄便民倉碑記

安置配犯

禁宰耕牛

平治道路

邑事

勵治撮要

中湘張經田壺山著 長沙徐慶勲重刊

求治在人

三代以上弊少而法亦疎三代以下法嚴而弊愈出此風氣所趨亦人心使之也夫法所以防弊而弊即生於法之中立法者必除弊然也不盡然也法與弊相輔而行第於法之所不能行者往往賴弊以補救之立法者不求其法與弊所以相為維繫之故而規規然惟弊是禁至日久禁弛其弊終於不能禁至於不能禁而仍其弊則民知上之不能禁也且肆無忌憚而其弊滋甚大概有一利必有一弊是在因利察弊以法致弊求其有濟去其太甚惟官執法而不泥於法使民畏法而不入於法求治之道莫外於是是非有治人不可有治人而善用其弊則弊皆法也無治人而輕用其法則法即弊也可不審與

無事論

缺有繁簡事有多寡缺繁則事多缺簡則事少其大較然

也缺簡者動稱無事而非盡無事也欲求無事先從不厭事不急事始惟事其事而漸歸於無事則真無事矣守土者希圖安靜因循廢弛遇案不辦而得云無事乎民之情偽訟端不已其細小者無論已命案不辦而殺人無忌矣賊盜案不辦而偷刦公行矣田戶案不辦而爭佔競起矣蓋官以治民治者何法耳官不執法則民無由知法而畏法而犯法者衆矣欲求無事而地方之事愈多民氣不得伸民枉不得理因之強凌衆暴釀成巨案其咎不在民而在官其害不在目前而在他日守土者於未事則出示提警之使民知所趨避於已事則按律懲創之使民知所儆惕由是犯法者少地方清甯官與民共享無事之福此真所謂無事耳

做官要辦事

今之做好官者輒曰我不要錢做官不要錢誠善矣而未可以此塞責也亦顧其辦事何如耳彼夫要錢而能辦事明於聽斷長於治理客或量人而取之遇事而枉之而不

取不枉之地多有受其患者若不要錢而不辦事則因循苟安畧無建樹其所廢弛者且不可勝紀矣以此較之孰得孰失必有能辨之者曾聞荆中亟有言曰庸碌之人其害甚於貪酷此言蓋有激而發蓋深有鑿於世之不辦事之為民言者不淺反不得不為要發者寬其說耳今之做好官者其共勉於有為而兼有守則無間矣

審戒明察

知守者必知一府之事知縣者必知一縣之事顧名思義則一府一縣之事不可不知明矣然而水至清則無魚人至察則無徒必知之而以察察為能是不足以息事而適足以滋事衙門中事情偽百出變幻萬端凡情節之無甚關係者得結便結應手而化無以吹求為也若恃明辨而工窮詰不肯輕易放過後此反生出許多枝節是自取擾也大事情小小事化無全在能辦事者善自操縱耳

訪聞宜慎

凡事不可豫設以成見察察者自恃聰明往往寄耳目於

私人求確據於浮論以此求信適以自欺耳惟公生明惟明則哲虛其中以應之而定論昭焉一以訪聞為主彼所倚任之人或涉於嫌疑而惑於利害因之顛倒是非罔顧輕重信之鮮有不僨者晉書顧和對王導曰明公竊使網漏吞舟何忍採風聞以察察為政夫風聞且不可而顧汲汲於訪聞乎

察胥吏

長隨胥吏之所以舞文弄法動輒作弊者以上之人非胥吏糊塗即性耽耍逸於公事畧不加意耳故得乘其懈而施其術若能件件過目事事留心尚難保無疎畧受其蒙蔽之處然究有所嚴憚而不敢以朦朧之術巧為嘗試矣此諺聞之汪稼所制軍時錄之以儆有位

寅誼

同寅協恭和衷哉寅誼為重自古然也居恤交以道接以禮相見鞠以誠持以正由是議公事則妥酌情理不存私臆遇會審則詳參例案一秉大公此狎暱所由化而寅誼

所由敦興近日世俗澆漓心不古若官廳聚會或私好惡

而心存忌克則一堂而千里矣或嬉戲謔而流為輕薄則衣冠而市井矣甚至面託金蘭脣誠鬼蜮他日推井下石者即呼兄稱弟之人也至於文武同城最易起釁或因彼此各懷意見兵民互相袒護以至公事參商相為攻訐釀成大禍者此皆不恭不和之積漸所由歟

讀律

士人學古入官讀書尤貴讀律律之為書仁至義盡詞簡

意賅一句一字具有精蘊存焉而律為一定不易之成規例則為因時制宜之良法凡律有未備藉例以權其大小

世宗憲皇帝

曲法營私縱奸長惡不仁孰甚焉伏讀

輕重之衡職志比附胥歸至當非就其同異之處寬嚴之別參互而考訂之遇有一案到手且茫然無所適從善辨

易之

案者以案就例兼之以例就案兩相就以准乎寬嚴之並

大法也

求生

例文深知其意庶於審案時中有把握且亦知所趨避而操縱自如矣

歐陽文忠公有言曰求其生而不得然則生可求乎求其生而不得則必有求之而得者然則生可求而得乎生雖

出罪宜當

書曰罪疑惟輕又曰與其殺不辜甯失不輕此誠千古忠厚之至論近日辦案家失入者少失出者多胥本此論以歸於忠厚仁者用心自當如是然而生人而當謂之仁殺人而當亦謂之仁義之盡仁之至也如其人應抵於法而有心出之或罪在不原而故後未減甚至聽其和息匿不詳辨令死者含冤於地下非所以成其仁也今之承閭官非以姑息為念意存開脫即以招解為難希圖省事以至

不必期於得要其心之誠於求此可以見文忠公之用心

聽獄

矣夫國有常刑原不容意為疎縱其或罪在可疑情有可原介乎可輕可重之間而故刻意從嚴方詬詬焉自以為辦案結實上官莫余詰也非仁人君子所宜出此輕重之間所爭在片語而出入所關甚大當其錄供定讞時已伏秋審情實緩決死生界限矣此非反復誠求之不可推此誠求之一心必有一段生氣列筆端上來

審事坐大堂

知縣為親民之官與小民休戚相關者也有司深居簡出慣於治理閒一坐二堂與兩造原被站班書吏相周旋而已余謂斷官事無大小宜勤坐大堂何者直何者曲較為舉孰為錯環而徇者曉然於義之所當趨凜然於法之不犯犯有催審投列者遇便稽查有負屈申訴者隨時剖析事之暇問民間疾苦詢年歲豐歉一邑之中情偽備悉如是則官與民相融洽無閼隔之虞矣此方不愧為親民者耳

古人用刑之道在懲創而哀矜寫焉貴嚴明而忠厚存焉虞夏商周之書論刑特詳禹謨曰與其殺不幸甯失不經此為千古論刑之要漢唐以來論治獄者亦兢兢三致意焉歐陽修曰求其生而不得則死者與我皆無恨古人用意之厚此一語盡之治獄者深有味乎其言吾知哀憐無辜之心油然生矣夫人情安則樂生痛則思死捶楚之下何求不得三木無論也余以事無大小凡死生出入之案未可遽加以刑惟在悉心鞫問仔細推敲察言觀色乘隙搃虛要其道總不外一耐字近日問官惟事刑求多不耐問我問尚不耐獨不顧彼之能耐刑乎夫所謂問供者在我之間以待彼答一一供自犯人口中出乃成信讞不待問而遽加以刑負罪者不勝痛惟上之所指示以應之治獄利其供則更假錄而周內之上官不知其刑求也遂擾擾供定罪大者抵死小者發遣或至過堂翻供發下按究承審者不思申理且飾前非者有之或同人瞻顧照依原

審者有之遂至兇徒漏網無辜含冤世之非罪而羈縛絞不白而就刀斬者何可勝數咎將安在然則國家設立五刑竟姑息而不用乎豪橫狡猾之徒貪生惡死避重就輕其智足以飾非其悍足以拒刑有不得不以刑求者不得已而後用刑刑可用而不可驟酌其大小輕重而遞加之先用其大者重者後將難為繼也然責情定罪未可僅據一面之詞亦必衆供確鑿然後定所以不甚要緊之餘犯不可輕易放過如命盜案內之上盜不動手從旁觀望者尤宜一一考究旁敲側擊以爲通案印証雖非案內要犯而正兇徒此得案情由此定且夫衆供者欲其同也而無取乎同也欲其不謀而同也則隔別研究之法所宜究心也究之法維何曰分者合之虛者實之如同謀殺人之案是日在何處同謀起意者何人加功者何人先動手者何人分頭窮問其情節稍有參差即不足以成信讞所謂分者合之也即當日同謀光景不拘所見所聞所作所爲與案內情節不相涉而影射者出其不意隨機觸問甲者

如是供乙者亦如是供有二三符合處亦可爲案內情節之暗証此財於不着意處着意在犯人無意露出在我已得箇中消息所謂虛者實之也聽獄之道難以言盡惟會心人自領之夫死生出入攸關所關匪細既務求得確情亦博得此心無愧耳若依樣葫蘆惟憑刑訊案則結矣問之於心能無愧乎嗟夫人命至重清議莫逃凡罪關死生出入稍有人心咸知慎重至於軍流發遣之犯則曰彼得生矣夫何足惜往往漫不關心任意問擬豈知其禦魑魅而投三危肝腫塗而筋骨絕生還者幾何人死亡者踵相接哉刑至三木極矣用之未有不愀然動慄者至於笞杖爲人所易忽恬然不以爲怪獨不念一芒觸而膏肓片髮拔而色變疾痛奇癢人我一體問刑者於此時一作設身想乎夫辨案則重斬絞而輕徒流用刑則慎三木而忽笞杖此獄吏之通病甚至並仕日久性靈汨沒習不加察且用三木如常刑殺人如刈草其殘酷可勝道哉爰進古人之言而申其說俾同寅暇時省覽在內則存哀矜之仁刑

在外則流忠厚之澤以此律已以此游人余雖無濟於世  
諸君子之善非即我善也夫

### 保甲簡易法

保甲之制由諸周禮奸暴由此而戢仁讓由此而成實化  
民成俗之善政邇來生齒日繁人烟稠密其中良莠不一  
防範難周若非按戶編查使之甲為自糾人自為治不足  
以清窩賴而安良善惟民苗易惑而難信舊制繁瑣而難  
行自應參酌變通師保甲之意而不拘成法庶民志樂從  
而行之可矣伏思前明王守仁守贛南立保甲以清盜源  
其法以十家為甲村自為保每甲為十家牌自糾甲內之  
人一家為匪九家連坐不查丁口不諉奇役其立法最簡  
而不義甚賅彼夫奸民有犯人切齒每因畏其報復又  
視為事不干己而相率瞻徇者無法令以制之耳自連坐  
之令出而法隨使民知所嚴憚凜然知匪之必不可為又  
使民互相稽查知一家為匪之共受其累雖欲不舉而  
能由是惡者日遷於善而翻然自新善者不敢入於惡以

自取罪戾此保甲之良法美意歷古今不易也者查設立  
門牌保甲原與編查戶口相表裏而事有煩簡之別保甲  
簡而易行戶口煩而滋擾則宜從其簡者而酌斟酌出之  
蓋編查戶口則一戶之大小男婦丁口纖細必書之於牌  
其生故婚嫁又湏隨時添註塗改日新月易弊實費生計  
州縣中大者數十萬戶小者不下萬餘戶頭緒繁多未有  
舛不錯疎漏者若行之於民苗雜處之區其滋擾尤甚夫  
保甲之意止於禁暴止奸俾之互相查報以絕窩賴而杜  
瞻徇者且定一例家共犯其罪止坐家長惟鄰佑知而不齎  
各有治罪明文推原例義要在法制相維專在其責成也  
惟當仿照保甲之意定以十家合為一牌其畸零不等者  
或五六家一牌或十二三家一牌悉從民便每牌止書各  
戶家長姓名而不瑣瑣於男婦丁口數目其十家牌內開  
明十家共列一牌共出一結各家輪流查察內有一家為  
匪及容留為匪之人九家公同首報倘能敢徇情隱赦受  
賄遮瞞一經事發九家連坐如日後同牌之戶有一家遷移

出境或新搬入境分別刪增統於牌內註明俟年終出具

連名甘結呈繳舊牌以憑換給新牌如此酌量變通既不

病於繁瑣而於設立保甲之意亦可得其要領矣所有刊

發十家牌告示及出結各式開列於後余所至行之有效

並蒙上憲據稟通飭遵行有案錄之以備採擇

### 十家牌示

△△△正堂△為通飭保甲以靖地方事照得保甲之法

以十家共列一牌共出一結各家輪流查察牌內有一家

為匪及窩留為匪之人九家即公同首報使此革無所

容身而地方自獲安寧之福如敢徇情隱赦受賄遮瞞

及至事發九家連坐決不姑寬各宜凜遵毋違特示

### 計開

一戶

六戶

二戶

七戶

三戶

八戶

四戶

九戶

五戶

十戶

嘉慶△年△月△日示

### 告示式

某<sub>府</sub>正堂△為曉諭通行保甲以靖地方事照得保甲

所以安良而立法莫善於保甲况地隣明知奸匪不行

首報例應一體治罪則保甲尤衛民之善政也茲本△

### 遵奉

上諭酌仿保甲之意特立十家牌門牌爾等互相稽察旌

別辦憑以期保室安家長為

盛世良民已將十家牌示式捐資刊板刷印多張合函出示

遍行曉諭為此示仰閭屬紳士民苗及鄉約人等知悉

速即遵照某寡定以十家列為一牌有畸零不等者或

五六家或十二三家共列一牌每牌出一連名甘結交

付鄉約彙送來衙呈遞本△即照結內姓名填入門牌

隨到隨填並於即日遇硃蓋印當堂發給並不稽留片

刻致爾士民有守候之累該鄉約領獲門牌即持歸分

散各戶牌首用木粘貼輪流張掛如日後同牌之戶有

一家遷移出境即於牌內註明刪除或有一家新搬入

境亦於牌內註明添入統俟年終出具連名甘結呈繳

舊牌以憑換給新牌其並無遷移出境及新搬入境者

均毋庸繳換此係本△捐貲辦理並不使爾士民有分

文之耗該鄉約票徵各結代領門牌亦分所應當斷不

許向各牌藉稱鑿費需索分文如若各牌士民有情愿公

派一人親骨連名甘結呈領門牌者悉聽其便惟此番

編設門牌斷不許一家遺漏如有一家並不列牌並不

共結必係素行不端畏人查報該鄉約牌人即應指明

若人不法事蹟據實稟報以憑拏究如敢徇隱一併問

罪各宜凜遵毋違特示

具連名甘結△地△△等今於

與甘結事為通行保甲事實結得等十戶共領門牌一

張輪流張掛互相查察如有一家為匪及窝留為匪之

人九家公司首報倘有徇隱應甘同罪出具連名甘結

是實

嘉慶△年△月△日

以人治人

近日民多上控生藍尤甚為有司者輒曰民情刁士習壞

而不盡然也士有智愚賢不肖不等民亦有良莠之別亦

在上之人有以羈縻而固結之耳民何負於官哉官自養

廉以外能無取於民乎不能也一切差務頻仍能無累於

民乎不能也公是公非匹夫自有公論官而賢也官而廉

也民未有不感且頌者民頌其賢感其廉則官愛民民亦

愛官縱有一二舉民取民之事民亦相與諒之彼夫豪衿

劣監與其平日不安本分之徒以告官為事以挾制為能

日見夫官賢之且廉也無由蘖其短而議其後何者民心

帖服則士論附隨夫其口衆而我寡也良善同風則奸讒

斂跡所謂相觀而漸摩也

詞訟

朝廷設官分職無大小有一官即有應盡之職亦曰在官

恩官而已而親民之官莫如州縣官以治民而其要歸於愛民凡於命盜案件罪名出入民命所關皆知講明切究加意慎重每於詞訟輒輕心掉之而不知累人造孽多在於此謬有之曰衙門六扇開有理無錢莫進來是豈貪官墨吏一一合理而求財乎一詞理准而差票隨之必飽其慾而後送業差役既已悉索於前而訟師詞証繚而伺焉

相率而取給於後其餘掛牌出結差房規例有官法之所不能禁者富民負氣不惜傾家鄉民受憑多至鬻產此皆一訟之為累也邑中命盜事一僅有涉訟者不盡有深仇積怨類皆口角爭鬭戶婚田土細故果能按事切理導以利害諭以情法剝切批示有以折服其心使其無可置喙亦可隨時消釋如開導之不足則批親鄰調處以次寢息其中或有訟師調唆以至控告不休亦即訪查拏問究治以去其主謀之人則詞不待理而自息矣若事有闕擊要必湏准理者以速提為妙尤以速結為妙一詞到官具狀人望其審尤望其結原被詞訟入城待質不惟費錢兼之

曠業其羈管監禁者更不堪矣況事到即辦隨審隨結雖事劇亦暇暇則斡有餘地而心自清若遇事因循日積一事情愈多而理愈難雖事簡亦忙忙則無所措手而神先亂訟師猾吏乘懈作奸百端舞弊由是輾轉上控之業從此起而拖弊畏累自盡之案從此生其流毒可勝言哉

### 簽差催業法

詞宜速結蓋息事即以審人也然每逢拘究之案經旬累月而原差不票到者催審至再原差總以人証未齊為詞或由兩造畏虛賄擋不肯到業亦多由於原差怠未飭遲延時日以遂其需索耳業不到則比差夫人而知之余則不盡然每簽一票其原差必傳見內堂叮囑告誡之視路之遠近限以幾日帶訊違者責革另簽票能如期帶到隨簽一票以鼓勵之余清理詞訟以利其速原差亦希圖他日之簽賞而利其速也所謂不費之惠以利此勤惰即以此明賞罰不猶愈於責比與胥役者吾之指臂吾之爪牙也一縣中凡百餘人豈能一一記憶其傳見內堂者所以

辨別其人而備驅策也而必叮嚙告誡之者藉以指授機宜而重民事也

### 專治原告

吏治以安良為本而安良必先去暴尤以甯人為要而甯人必先息訟近有一種地棍訟棍遇事生風專以訛僻為能訛僻不遂則藉端訴告以洩私忿而恣貪婪或首賄首姦全無憑據或指實某事毫不平已無論所冤未即昭雪迨至審証得實而被認之家蕩析離產其受害已無窮矣

此等刁健狡猾之輩欺官虐民一經據訴提訊即墮其術中矣如首賄首姦及事不干已於控告到日無論所控孰虛孰實概置不論惟專處原告不提被告使訟師土豪不敢肆其譖張廣林蔓之風息而無辜不致受累矣此不思訟之法於近日為宜

### 嚴拏訟棍

士農工商各執一業近有以訟為業者案積經年累月而不得結既結之後閱時翻異者皆訟師階之屬也鄉愚無

知之徒豪猾喜事之輩一紙一字一供一結莫不聽命於訟師訟師坐地分肥從中主唆以至輾轉告弄小成大案久不詰隨結隨翻施累良民欺凌官長害莫大焉凡遇有難結之案且緩集訟先究訟棍凡訟棍踪跡歇家無不周知被害之家亦必悉其底裏嚴切跟究無不得者先除訟棍以去其主謀捉刀之人則奸訟者具束手而無所遁獲案不期而自結矣

### 附錄戒刀筆文

古人制字而有述作原以闡明道理後人讀書作文亦以廣教化博科第此讀書人之本色也近日人心不古愈詐愈險於言語文字之外習為刀筆一家於士農工商之中學為訟師一門混淆曲直顛列是非誣輕為重竊虛為實瞽迷耳目蠱惑聽聞雖決斷如趙穎川正直如于廷尉其刀詞易信誑語易欺亦難片言折獄一訊得情也以故片紙入公門或至屈人之枉枉人之刑費人之財殺人之命其為害何可勝言大凡構訟者自盜

賊人命而外類皆口角爭鬭戶婚細故衅起一時雖非

萬無此理現奉

莫解操刀筆者後中主之於不訟處激成必訟小訟審  
激成大訟於無罪中織成有罪小罪中織成大罪如放  
一炷火卒燎於原不可撲滅為害滋大如偷竊之案希  
圖挾制架為強刦重情嫁娶之家短少財禮坐以搶奪  
罪案傷痕免首隨意指扳病死輕生動稱謀逼上控之  
詞圖准聳聽不曰官府受賄即曰書役詐賄他如遇事  
生風憑空結撰種種虛誑不可端倪因之構隙結讎爭  
強角勝輕之破家蕩產重則坐誣問罪雖擇訟者之愚  
實刀筆者害之也是刀筆禍人最烈硯池即是血池筆  
頭快若刀頭其罪豈不大者大凡為訟師者皆粗曉文  
義之人讀兩句書識幾個字何藝不可習何技不可專  
而乃以文墨之徒弄其刀筆耶世人習此一家不過覓  
蠅頭之利以養身養家耳不知陷人之身以養己身破  
人之家以養己家造此大孽非身受王法即陰遭天譴  
神明在上果報昭昭有不身被刑憲家滅灰塵者則萬

上諭獄訟之繁多由訟師後中構衅播弄愚民拖累良善勾  
通胥吏把持官府種種鬼蜮伎倆為害甚甚飭令地方  
官嚴行查禁以清訟源而重民俗欽此壹奉  
大憲札飭所屬遍有包攬詞訟棍徒立即嚴拿究辦功  
令何等森嚴近日京控上控遇有誣告案件訟出代做  
呈詞之人無不嚴拏究辦諒亦習聞之矣彼夫健訟者  
始而互相戕害惟患譖愬之不工一旦按誣科罪身敗  
名裂難邀求減噬臍何及吾願士民各宜懲忿息爭以  
安生業斷不可聽人教唆甘為所愚而身受其害為訟  
師者亟宜革面洗心改惡從善以保身家人人不習刀  
筆與訟者自然無刀筆無詭語訟者自然無屈杖無  
枉刑由是人心醇厚地方清甯此官民之福也夫善政  
不如善教之得民意甚憫夫世人之狃於故習慣然固  
覺以自陷於刑也爰作戒刀筆文廣為刊示俾知警惕  
而息爭訟自愛自重者幸其聽之戒之勿以余言為河

漢特告

嚴治誣告

兩造一原一被而曲直分焉舉錯判焉如原告所告屬實則當問被告以應得之罪所告屬虛則當律原告以反坐之條原無中立之勢近日辦案家但求了事惟恐翻案往往調停遷就曲為開脫從寬完結此誣告之風所由日熾與此等健訟之徒遇事生風憑空結撰種種虛誑不可思議非思訛詐以肥己即藉拖累以洩憤若不嚴加懲治力微刃風若輩仗刀筆作生涯視告狀若兒戲耳既得遂其訛詐拖累之心而又不治以反坐加等之罪則亦何憚而不告哉嚴拿訟棍即以杜誣告之門蓋誣告之術皆訟師主之也嚴辦誣告即以塞訟棍之路蓋誣告得罪則訟師無權矣此清理詞訟之大原也

押犯宜勤查

案有犯証尚須復訊者勢不能不暫予羈管然羈管之苦甚於監禁蓋犯歸監禁有糧可以充饑有官為之照料羈役百端踰邇盤纏飯食其費從何而出辦一案於審明後

管則數十人聚一幽室穢氣薰蒸不可終日與地獄無異况押犯即權歸差役差不遂心則恣為凌辱甚至釀成人命貽累本官害莫大焉至於賊犯非三犯逾貫罪不至死若因拘夥起賊久困羈管繫之獄處餓之終日以速其朽於心忍乎全賴官立籌檢察以便隨時辦結不致拖斃尤宜按月按旬親查照亦可免蓄役私押賄晚之患余需次就江荆大中丞以懷甯押犯過多命令金清查目覩其搘形羈面之狀耳聞其疾痛慘怛之聲此中愀然有不堪者此不獨懷甯為然也為有司者其可忽諸

體恤捕役

勸誠捕役之法非有他端宣則從厚比則從嚴而已而更有不止於是者余任巢邑遇有盜竊呈報立即批差緝拿按限比責而捕獲者寥寥余心疑之有老捕某某人較誠實因詢其故老捕應曰捕役非不愛責畏比也非盡養賊縱賊也但破一案不易辦一案更不易破一案必多僱幫役百端踰邇盤纏飯食其費從何而出辦一案於審明後

賊據確實重則擬死輕則充發解府解省等候多時花消不少費又從何而出每結一案費至一二百金不等窮役費無所出是以甯受責毋拿賊也余訪得積竊某巨窩某因命老捕於散役中擇三數能事多帶帑役以捕之給以盤費許以重賞認以批解之費旬日之內拿獲多名盡法懲治而賊風稍息所費無多為地方除一積匪去一巨窩豈非大快事哉今之有司但知厚賞以誘之孰知殺賊之賞不敵解賊之費也但知嚴比以儆之又詎知出費之難更甚於剝膚之痛也况其未必實而捕役更無所勸未必比而捕役更無所畏哉惟宜厚其養贍使捕役不至養賊縱賊以為生又曲加體恤而使辦案之費有所出如是則捕役無不踴躍急公以拿賊為務矣為有司者不可不知

治窩主以堵盜源

賊之未行也非窩則無藏身之所其將行也非窩則無聚謀之所及其既行矣非窩則無寄賊之所此皆窩之為害

也欲除賊匪先去窩家窩去則賊之勢孤勢孤則其黨漸散饑寒之子流為盜賊有教法之所不能禁者惟去其窩以孤其勢而散其黨雖不能禁其無賊亦不至釀成大案矣平日窩賊之家呼朋引類坐地分肥必有遠方來歷不明匪徒時常往來出入形跡詭秘之狀附近鄉地隣佑無有不知何難捕獲又有一種巨窩類皆高樓廣廈甚至頂冠束帶則居然一富衿也人莫名其窩亦莫之敢擾此而僨實乘虛集厚力以捕之亦不難總因地方官怠玩不力而應捕之人每與賊打成一片鄉地隣佑又視為無與已事互相容隱或畏其挾嫌妄扳不敢聲張以至盜賊盤踞地方不甯害莫大焉欲堵盜源先拿窩主此保甲第一要看也

命案相驗法

大抵相驗之法莫確於比如肉則以此之色比被之色以此之瘦硬比彼之虛浮骨則以左比右以上比下以此之血癰血晕比彼之本色以今日乍見之形痕比前此經見

之形痕比則易見比則難欺被作孽或掩傷做傷覺有可疑必即其所報之靈詰其是傷之實徑密詳視而令其

比以呈我傷有致命不致命之分而致命傷中有速死之傷有必死之傷亦有可以不死之傷其淺深分寸致死之故大畧可得此時先手現在即趕出兜仗與傷痕比對俾屍親兒手皆心服無詞則日後審訊成招問心無憾矣

平難

平難以濟民食然值歲歉價昂經地方詳請出難湏由道

官

道府核准報轉申請曠日持久緩不濟急國戶乘閒居寄貧民延頭待哺迨至詳定奉文開倉而民不堪命失余是以有設立便民倉之舉合自捐與衆捐共儲穀若干詳明立案每遇青黃不接之時碾穀為米以米易錢較市價每升酌減十文或十餘文既以濟民食即藉以壓市價旋乘秋收穀貯及時買補價比難價有餘即以有餘之價續買加增以廣倉儲仍詳明立案每年出入會計於首士核其實還於官長總其成上下互相維制以防欺隱便民之

道莫善於此余任恩州行之而有效立有便民倉碑記並附錄於後

嘉慶十有二年余奉

簡命來守是邦下車後問民疾苦知此地山多田少土瘠人貧每逢夏秋之交糧價驟昂恒虞艱食癸酉冬余為籌議設立便民倉特捐廉俸買穀二百石有貢生田大易者義捐買穀銀兩余為易穀四百石並建倉三間定以每歲青黃不接時減價出難秋成買補詳奉

各憲允准並將該生優加獎勵傷以匾額該生田大易受恩感激又捐二百石續詳在案為於本年夏難秋買之後其價尚有贏餘除修理倉廩彌補失耗外續買穀二百石計前後共儲穀一千石從此謹其蓋藏時其出納陳陳相因而穀加增而歲有備庶幾之呼庶有孚乎夫黔中遍地皆山出穀甚少歲一不登黎民阻饑矣是倉之設其事甚簡其利甚溥彷而行之是積於不涸之源而藏於不竭之府也其功德可勝言哉爰述其端末

勤之於石以為愛民者勸

嘉慶戊寅年季冬月

毅立

安置配犯

在配改遣及尋常軍流徒犯全在地方官設法管束近查通解文內詳報脫逃者不一而足皆由不能安撫得宜又不加意防範所致竊思在配往流軍遠多係充模釀命奸宄玩法之徒而積匪猾賊一項為尤甚此輩居心狡猾桀驁不馴管束為難又苦邊隅瘠薄艱於生計安置尤不易

惟是一配之中不下數十人其原犯案由與列配情形不同其如何安置之法難以一例內如挾贍營運及年久落業並有隨行妻子就地成家者身有所係其心安焉可以

不煩獎預亦無庸過於拘管只須照例隨時查點而已其

有子然一身了無存活者分別於專秉兩衙門充當水火更夫以供驅使有不能適用者酌給全分半分口糧以資養贍仍不時加意防維或竟有頑梗滿事怙惡不悛者恐其竊逸無計羈縻則用铁鎗木靴等項以嚴束縛若者宜

嚴若者宜寬分冊登記於專兼之員各存檔冊隨時展閱再於每犯各置腰牌一面每日於專管官處晨領夕繳以備稽考即於經捕廳署之旁置棧房數間按日收放以嚴管束如此示以區別分以等差庶寬嚴可以因施而稽查較有把握矣

禁宰耕牛

牛者上天元武之精下土太牢之饑非郊祀不敢用非天神不敢啟蓋以服耕之苦有功於人當老則畜之死則埋之更何忍付之刀俎使受炮烙之苦至係之刑哉况宰牛之禁

國家設有令典

世祖章皇帝諭刺戒牛文遍賜羣臣頒行天下可為法戒夫田家力穡專藉耕牛官司重農必除私宰近有無賴之徒專以屠牛為業致使穿窬橫竊鬻入屠肆立付刀鑿在偷牛者希滅跡而賈售屠牛者且貪賊而故縱是都市有一屠牛之家即地方多一底賊之藪是誰之咎與夫人不食牛則

屠牛易業矣人不屠牛則盜牛歟手矣記載食牛者寘報最重况屠牛者乎余謂官聽民私宰而莫之禁則咎有攸歸其罪更為陰律所不援地方官應禁之事甚多殺牛則物命與民命攸關所當禁者莫大於是

### 平治道路

除道成渠夏令最備視塗列樹周制維詳傳載司空以時平易道路其為職也尤專誠致治之大端而地方官之所當視為急務者也修路造橋並著於陰陽文蓋路以利行人數百年利之千萬人利之其利最溥其功莫大余嘗至之區山路崎嶇途徑狹隘在在皆是而黔首為尤甚每見肩挑擔荷之夫負重陟陁舉步艱危盤汗交下喘急薄喉儻僵顛蹠之狀率中人有不忍觀者夫地有常形不因人之愚險而輒其廣所賴守斯土者相地施工補偏救弊期於以好易惡即不難化險為平近日衝途牧令疲於差務未遑計議路久不治日積日弛既以病民夫之往來亦無以壯驛路之觀瞻非致治之道也地方官身歷險阻豈竟

不恤民勞而惻然動念者大抵由於畏難而苟安習不加察耳小人以力為養居子以心養人如果兢兢經營廣思集益或視缺出夫或募眾勸施或捐廉助濟或籌款開銷將臻效於蕩平而收功於層累必有一段善緣可以藉手邑無論大小應辦之事甚多特守土者不留心耳民之黠者為胥役或覬法以蠹民或舞文以欺官所以約束而防閑之者有事民之秀者為學校何以正品術何以廣教化所以鼓勵而化導之者有事民之愚者為鄉役里民何以昭勤儉何以消除驚譖信修睦之道作奸犯科之誠所以曉示而切究之者有事若夫於案牘則速結之於刑獄則慎恤之於禡祀則敬將之於潛修芳潔之士則優禮之於急公樂善之家則獎勸之於城垣祠宇津梁道路以及農田水利之屬則修葺而瀆導之於育嬰堂養濟院義學義塲義田之類則董率而經理之凡此皆民事也無往而非己事也為有司者以民事為已事治民之道在此公門

### 邑事

中最好修行為善之道亦在此

勵治撮要跋  
儒生即慕良吏誠以仕止需學也數  
幼亦先學重以潔倒風塵幾二十年  
一念盡膺民社競上焉常懼恭刀之  
傷偶以故歲中撫寧鄉先達張公是  
編見其言簡而義敗詞深而旨遠每  
莅事即以崇先路之遵奉藉此免画  
牆之譏吾儕苟遵而行之未始非斯  
民之福耳爰捐廉重雕以永其傳同  
諸君子幸留意焉長沙徐慶勸識  
於南澳廳署之靖海堂